

**BOSNA I HERCEGOVINA  
FEDERCIJA BOSNE I HERCEGOVINE  
KANTON SARAJEVO  
MINISTARSTVO UNUTRAŠNJIH POSLOVA  
UPRAVA POLICIJE  
SEDMA POLICIJSKA UPRAVA  
Policijska stanica Ilijaš**

Bosna i Hercegovina  
Federacija Bosne i Hercegovine  
KANTON SARAJEVO  
OPĆINA ILIJAŠ

Primljeno		25. 01. 2019
Šifra	Redni broj	

Broj: 02/14-1-<sup>04-220</sup>/19  
Dana: 24.01.2019. godine

**OPĆINA ILIJAŠ**

**OPĆINSKI NAČELNIK**  
**- načelniku-**

**OPĆINSKO VIJEĆE**  
**- predsjedavajućem**

**PREDMET: Informacija o stanju kriminaliteta, javnog reda i mira i saobraćaja na području općine Ilijaš za 2018. godinu, dostavlja se.-**

U skladu sa Programom rada Općinskog vijeća Ilijaš, u prilogu Vam dostavljamo Informaciju o stanju kriminaliteta, javnog reda i mira i saobraćaja na području općine Ilijaš za 2018. godinu, kako bi istu uvrstili u dnevni red jedne od narednih sjednica Općinskog vijeća.

S poštovanjem,

**PRILOG: Informacija x 1.-**



**NAČELNIK PU**  
**Glavni inspektor**  
**Vahid Čoslić**

*[Handwritten signature]*

**BOSNA I HERCEGOVINA  
FEDERACIJA BOSNE I HERCEGOVINE  
KANTON SARAJEVO  
MINISTARSTVO UNUTRAŠNJIH POSLOVA  
UPRAVA POLICIJE  
SEDMA POLICIJSKA UPRAVA  
Policajska stanica Ilijaš**

## **I N F O R M A C I J A**

***o stanju kriminaliteta, javnog reda i mira i  
sigurnosti saobraćaja na području općine Ilijaš  
za 2018. godinu.***

***Ilijaš, januar 2019. godine***

Ovom informacijom obuhvaćeno je stanje kriminaliteta, javnog reda i mira i sigurnosti saobraćaja na području općine iz nadležnosti rada PS Ilijaš i Odjeljenja kriminalističke policije Sedme policijske uprave utvrđenih zakonima i Pravilnikom o unutrašnjoj organizaciji Ministarstva unutrašnjih poslova Kantona Sarajevo.

Policijska stanica Ilijaš i Odjeljenje kriminalističke policije Ilijaš su u 2018. godini realizovali poslove i zadatke iz mjesečnih i godišnjih planova rada, uz dosljednu primjenu zakona, uredbi, pravilnika i ostalih podzakonskih akata.

Poseban akcent u radu dat je zakonitom, stručnom i blagovremenom izvršavanju poslova i zadataka iz djelokruga rada organa unutrašnjih poslova.

Prioriteti su dati zaštiti života, lične i imovinske sigurnosti građana, sprječavanju i rasvjetljavanju kriminogenog ponašanja pojedinaca i grupa, predupređenju i rasvjetljavanju svih oblika narušavanja javnog reda i mira, osiguranju ličnosti i manifestacija, te preduzimanju mjera na kontroli učesnika u saobraćaju i poboljšanju stanja sigurnosti saobraćaja na putevima, na području općine Ilijaš.

Posebna pažnja data je zakonitoj primjeni posebnih ovlaštenja, prije svega upotrebi sredstava sile. U toku 2018. godine sredstva prinude upotrebljena su u dva slučaja od strane policijskih službenika PS Ilijaš, koja su opravdana od strane policijskog komesara MUP-a Kantona Sarajevo.

U toku 2018. godine nije bilo predstavki na policijske službenike PS Ilijaš.

Kontinuirano je ostvarena saradnja sa nadležnim općinskim i kantonalnim organima i organizacijama, javnim preduzećima, nevladinim sektorom, kao i sa sredstvima javnog informisanja. Informisanje javnosti o određenim događajima iz djelokruga rada Sedme policijske uprave prvenstveno je vršen putem Odjeljenja za odnose sa javnošću i web stranice Ministarstva unutrašnjih poslova Kantona Sarajevo.

Posebno dobra i intenzivna saradnja je ostvarena sa svim nivoima agencija za zaštitu zakonitosti u segmentu sigurnosti, Kantonalnim tužilaštvom Sarajevo i Općinskim sudom Sarajevo.

## **KRIMINALITET**

Uzimajući u obzir dole navedene statističke pokazatelje evidentno je da je tokom 2018. godine a u odnosu na 2017. godinu došlo do blagog povećanja broja izvršenih krivičnih djela a koja se odnose na teške krađe. Izvršenim analizama utvrđeno je da je do povećanja došlo iz razloga što se u 2018. godini na području općine Ilijaš pojavio veći broj kupovine nekretnina od strane lica afro-azijskog porijekla koje su veći dio godine prazne, te kao takve pogoduju za izvršenje gore navedenih krivičnih djela.

Tokom 2018. godine ukupno je registrovano 114 krivičnih djela (u 2017. godini registrovano je 98 krivičnih djela), od čijeg ukupnog broja evidentiranih krivičnih djela policijski službenici Odjeljenja kriminalističke policije Ilijaš rasvijetlili su 78 krivičnih djela, što u procentima iznosi 68,42 %.

U 2018. godini, na području općine Ilijaš izvršena su sljedeća krivična djela:

Red br.	KRIVIČNO DJELO	2017			2018		
		broj	rasvijetljeno	procenat	broj	rasvijetljeno	procenat
1.	<b>teška krađa</b>	31	34		54	24	
2.	<b>krađa</b>	17	7		7	4	
3.	<b>oštećenje tuđe stvari</b>	11	7		11	9	
4.	<b>nasilje u porodici</b>	8	8		6	6	
5.	<b>nasilničko ponašanje</b>	2	1		2	2	
6.	<b>šumska krađa</b>	1	1		--	--	
7.	<b>izazivanje opće opasnosti</b>	1	1		3	3	
8	<b>prevara</b>	--	--		--	--	
9.	<b>ugrožavanje sigurnosti</b>	3	3		2	2	
10.	<b>teška tjelesna povreda</b>	6	6		4	4	
11.	<b>lahka tjelesna povreda</b>	4	3		2	2	
12.	<b>posjedovanje i omogućavanje uživanja opojnih droga</b>	6	6		4	4	
13.	<b>nedozvoljeno držanje oružja</b>	1	1		1	1	
14.	<b>razbojništvo</b>	1	--		4	2	
15.	<b>napad na službenu osobu u vršenju poslova</b>	1	1		2	2	
16.	<b>iznuda</b>	--	--		2	1	
15.	<b>ostalih krivičnih djela</b>	5	6		10	12	
	<b>UKUPNO</b>	<b>98</b>	<b>85</b>	<b>95,50 %</b>	<b>114</b>	<b>78</b>	<b>68,42</b>

## **Zaključak**

*U odnosu na broj izvršenih krivičnih djela u 2018. godini, a imajući u vidu motive, karakter i posljedice svih ovih kriminalnih radnji, kao i procenat rasvijetljenosti generalno se može dati pozitivna ocjena stanju kriminaliteta na području općine Ilijaš. Rezultat je to planskih operativno - taktičkih mjera i radnji koje su poduzimali službenici PS-a i Odjeljenja kriminalističke policije Ilijaš, pojedinačno i koordinirano, a sve ovisno od analitičkih pokazatelja stanja kriminaliteta po mjestu, vremenu i učestalosti vršenja određenih krivičnih djela.*

*Dodatnim angažovanjem policije u pojedinim akcijama MUP-a Kantona Sarajevo i akcija lokalnog karaktera, značajno je sužen prostor za kriminalno djelovanje, kako pojedinaca na području općine Ilijaš, tako i organizovanih grupa i pojedinaca koji vrše krivična djela na području Kantona Sarajevo i šire.*

## **JAVNI RED I MIR**

*Zbog raznih oblika narušavanja javnog reda i mira policijski službenici PS Ilijaš u 2018. godini registrovali su izvršenje 64 prekršaja, što je u odnosu na 2017. više za 04 prekršaja, (u 2017. godini evidentirano je 60 slučajeva narušavanja javnog reda i mira).*

*U izvještajnom periodu po Zakonu o javnom redu i miru u 63 slučaja podnešene su prekršajne prijave ili izdati prekršajni nalozi protiv 81 lica, dok je evidentiran 01 prekršaj (nesavjesno čuvanje oružja) po Zakonu o nabavljanju, držanju i nošenju oružja i municije.*

*U strukturi prekršaja protiv javnog reda i mira najbrojniji su naročito drsko ponašanje - 15, a slijede tuča – 14, te prosjačenje - 13 itd. Najveći broj ovih prekršaja izvršen je na ulici – 58. Navedeni prekršaji su propisani Zakonom o prekršajima protiv javnog reda i mira Kantona Sarajevo.*

	2017	2018
<i>Registrovano slučajeva narušavanja JRM</i>	60	64
<i>Učestvovalo lica</i>	76	82
<i>Pripadnici policije su intervenisali u slučajeva</i>	60	64
<b>Od toga:</b>		
<i>na zahtjev građana</i>	55	61
<i>po ostalim zahtjevima</i>	05	03
<i>Prilikom pružanja intervencije upućeno je upozorenja u slučajeva</i>	00	00
<i>Podnešeno prekršajnih prijava i izdato P/N</i>	60	64
<i>Protiv lica</i>	76	82

Imajući u vidu da narušavanje javnog reda i mira može bitno uticati na stabilnost sigurnosne situacije, jedan od prioriteta u radu PS Ilijaš, u izvještajnoj 2018. godini, bio je praćenje i analiziranje stanja javnog reda i mira, a s tim u vezi preduzimanje preventivnih mjera na sprječavanju i suzbijanju težih i masovnijih oblika narušavanja javnog reda i mira.

Tokom 2018. godine, kao i predhodnih godina kontinuirano su sprovedene aktivnosti na sigurnom javnom prijevozu putnika u vozilima "GRAS-a i " Centrotransa", a redovno su sprovedene i aktivnosti na suzbijanju nedozvoljene trgovine na javnim površinama.

Stanje javnog reda i mira za 2018. godinu može se okarakterisati kao dobro.

### **SIGURNOST SAOBRAĆAJA**

Tokom 2018. godine, na području općine Ilijaš evidentirane su 254 saobraćajne nezgode, što je za 53 saobraćajne nezgode manje nego u 2017. godini. Što se tiče statističkih pokazatelja za povrijeđena lica u 2018. godini, 03 lica zadobila su teške tjelesne povrede (2017. godine - 05 lica), dok je 67 lica zadobilo lakše tjelesne povrede (2017. godine - 58 lica).

	2017	2018
<b>Ukupan broj saobraćajnih nezgoda</b>	<b>307</b>	<b>254</b>
- sa nastradalim licima	41	43
- sa materijalnom štetom	266	211
<b>Teže povrijeđeno lica</b>	<b>05</b>	<b>03</b>
- vozača	03	03
- putnika	02	00
- pješaka	00	00
<b>Lakše povrijeđenih lica</b>	<b>58</b>	<b>67</b>
- vozača	22	23
- pješaka	04	07
- putnika	32	36
- biciklista	00	01

U ovom izvještajnom periodu registrovano je izvršenje ukupno 5080 prekršaja iz oblasti sigurnosti saobraćaja na putevima, za koje su izdati prekršajni nalozi i podeseni zahtjevi za pokretanje prekršajnog postupka. Evidentno je da je u toku ovog izvještajnog perioda došlo do znatnog smanjenja broja prekršaja za 1586 prekršaja u odnosu na 2017. godinu.

	2017	2017
Broj kontrolisanih m/v	21.270	21.143
Broj lica kontrolisanih u m/v	21.270	21.143
Broj prekršaja	6666	5080
Broj lica	6680	5092
Broj zahtjeva	33	24
Broj prekršajnih naloga	6633	5056
Upravljanje m/v po dejstvom alkohola	150	101
Broj isključenih vozača bez položenog vozačkog ispita	92	78
Broj isključenih neregistrovanih m/v	109	80
Broj vozača koji su upravljali vozilom pod izrečenom zaštitnom mjerom zabrane upravljanja određenom kategorijom	07	25

Stanje sigurnosti saobraćaja, kada posmatramo broj saobraćajnih nezgoda ima trend poboljšanja obzirom na ukupan broj saobraćajnih nezgoda u odnosu na predhodni period 2016. godine. U 2017. godini smanjen je broj saobraćajnih nezgoda sa materijalnom štetom kao i broj saobraćajnih nezgoda sa povrijeđenim licima u odnosu na predhodnu godinu u kojem je lakše povrijeđeno 58 lica (2016. - 61 lice), teže je povrijeđeno 05 lica (2016. - 3 lica). Prema navedenim pokazateljima može se izvesti zaključak da je stanje sigurnosti saobraćaja stabilno, ali da još uvijek nije na željenom nivou.



## **JAVNI SKUPOVI I POSEBNA OSIGURANJA**

Tokom 2018. godine policijski službenici PS Ilijaš izvršili su osiguranje 127 javnih skupova sportske, kulturne i druge prirode, što je za 24 osiguranja manje nego u 2017. godini, kojom prilikom je angažovano 321 policijski službenik. Za vrijeme održavanja ovih javnih skupova nije dolazilo do narušavanja javnog reda i mira.

Kontinuirano su izvršavani poslovi pratnje prevoza eksplozivnih sredstava i oružja (521 pratnja, a u 2017. godini 491 pratnja), te praćenje veoma važnih ličnosti koje se posebno obezbjeđuju i stranih delegacija, navijača u dolasku i povratku sa značajnijih sportskih događaja.

## **RAD POLICIJE U ZAJEDNICI I OSTALE AKTIVNOSTI**

Posebno treba naglasiti trajno opredjeljenje MUP-a Kantona Sarajevo na realizaciji rada policije u zajednici. PS Ilijaš provodi čitavu lepezu aktivnosti, od sastanaka sa građanima MZ-a, obilaska domaćinstava povratnika, do predavanja u osnovnim školama, posjetama ostalim obrazovnim ustanovama, te kontaktima i saradnji sa nevladinim organizacijama. Osnovi cilj ovih aktivnosti je približavanje građana i policije, jačanje međusobnog povjerenja, te upoznavanje sa problemima, zajedničko planiranje i preduzimanje mjera za rješavanje problema iz raznih segmenata djelovanja. Policijski službenici su se naročito zalagali za edukovanje školske djece u oblasti sigurnosti saobraćaja, opasnosti od mina i negativnog uticaja droge na mlade i okolinu. U okviru policijske stanice Ilijaš utvrđena je radna pozicija sa jednim izvršiocem koji se isključivo bavi realizacijom projekta nazvanog „Rad policije u zajednici“ čiji je osnovi cilj ostvarenje i poboljšanje saradnje sa građanima.

U skladu sa Zakonom o unutrašnjim poslovima pruža se neophodna pomoć drugim organima i organizacijama u izvršavanju njihovih redovnih poslova i zadataka kada je takva pomoć neophodna. U toku 2018. godine asistencija policije pružena je u 07 slučajeva.

U skladu sa akcijom „Žetva“ prikuplja se oružje i eksplozivna sredstva koje građani pronađu ili posjeduju, a koje je zaostalo iz predhodnog rata.

Iz svega gore navedenog, neophodno je naglasiti da je u 2018. godini saradnja između PS Ilijaš i Općine Ilijaš (Načelnika općine i svih općinskih službi) bila na veoma visokom nivou. Zahvaljujući takvoj saradnji, stanje na području općine Ilijaš je po svim oblastima zadovoljavajuće pa samim tim je stvorena povoljna bezbjedonosna situacija, kako na području općine Ilijaš, tako i šire na području Kantona Sarajevo, te bi bilo neophodno i u narednom periodu nastaviti sa saradnjom, kako bi se pomenuto stanje bezbjednosti zadržalo i dovelo na najveći mogući stepen.

**Ilijaš, 24.01.2019. godine.**